


廬

山

集附英溪集

三



欽定四庫全書

廬山集卷五

七言律詩

秋巖白山中見約

九江驛裏見春風  
幾度懷清隔曉鐘  
思白有人傷柳色  
依劉無地感萍蹤  
半生力學羞長劍  
兩載心期信短筇  
九疊屏高有標致  
遠公相約則吾從

棠梨湖

宋 董嗣杲 撰

西城轉地有湖光  
矮矮荆榛出土岡  
俎豆零星傳野哭  
舳艫聯絡急邊防  
夾壕楊柳猶秋色  
貼屋桃花自晚粧  
芳草不除生意在  
此名誰命謾華堂

泊接泥渡

笑泊虛寒古渡沙  
沉暉遠襯楚山霞  
江鄉酒薄難支日  
客路詩多轉憶家  
金彈耀林懸橘柚  
翠綃縈浦泛蕪葭  
船窻掩定身如石  
籬落何人有菊花

又晚立接泥渡邊



逍遙行樂立西風多聽秋聲耳欲聾  
供世難分心力異  
浮家易感古今同  
小花糝渡遺晴蓼  
碎葉填津積冷楓  
博望有槎撐不去  
岸頭橫卧樹心空

東林寺上方塔

塵外乾坤豈易窺  
上方尋勝短筇隨  
病僧借榻山衣破  
卧佛當門石塔危  
亂竹迸階交密樹  
荒苔沿壁纏疎枝  
幅巾居士修行久  
愛說浮光死戰時

蘄城晚泊值雪

鴈聲哀怨極淮天際晚驚呼雪打船古驛魚稀誰撒網  
虛沙馬過自隨鞭人烟頑獷空多智形勝丘墟又幾年  
龍眼磯頭風浪惡今宵歸興此方堅

壬戌元日二首

青燈挑雨曉光凝歲律回壬萬象新心上痛懷松里友  
客中忍視茗山春誰橫烟竹驚孤旅自飲屠蘇笑八神  
摺起朝衣羞老去驅車猶冒路歧塵

萬里東風起楚皋流年祇染鬢蕭騷富池江口聽春雨

昭勇樓心看雪濤，薄俗苦無公可論。  
全身惟有隱方高，故山猿鶴應相笑。  
抗走殊鄉實自勞。

富池客中寄范約庄

客子驚秋易斷魂，江塘落葉雨紛紛。  
蔽江雲勢山頭合，隔竹泉聲屋尾分。  
無日不宜閒問酒，有懷猶且強搗文。  
燈窻幾憶同居話，卷裏新篇可得聞。

寄楊雲靜

公藉椒塗成達宦，我傳草檄守清貧。  
閒曹奔走徒云仕

薄俸沾濡不逮親飲水曲肱無此量解衣推食有何人  
涼風四壁蛩新咽偏惱淹回獨客身

東林寺贈宜上人

幽階苔蘚翠纖纖屐齒沾濡逐步黏曉澗迸泉迷杏塢  
春風停雨暗茅簷禪高何待音聲悟詩好爭傳格律嚴  
誰喚我師重主社社中休更外陶潛

寄冷翠谷葛秋巖

入眼萬欲勇舍難巖頭飄盡楓葉丹心憎溢浦戶庭熱



身入廬峯毛骨寒塵面只掬野泉洗醉吟且呈泥佛看  
幾多清話動人憶夢落成圍蒼竹竿

鏡禪人欲歸靈隱

袈裟裊定老禪翁雲隔家鄉是幾重兩面廬山曾徧覽  
三生天竺會相逢搖涼竹簟收江羽醒困茶甌淪建龍  
午借客床尋偃息不知身在紫霄峯

贈羅漢院志遠上人

披緇受業在淮南不覺流年七十三羅漢院中餘古栢

將軍墳上落枯杉纏綿宿病逢奇藥收拾頽年坐破龕  
自說舊樓真佛境羅田山裏毒龍潭

江城與秋巖同賦

江柳青青暗古津悲歌不獨是商人愁生獨醉重關晚  
夢破相思故國春聲迹衰遲難應世山林枯朽易全身  
歸期渺邈徒懷想怨鳥花梢叫月頻

蒙叟悟禪人俗舍在湖口縣予留江城聞其歸  
省且有書貺因寄二首

要識間棲彼此輕平江浪遠暮帆晴青春晚處羈懷惡  
白髮生時老眼明花落無心尋笑傲客鄉有日苦逢迎  
雲色尚寄雙鍾下若過吾廬祇半程

富池歸去欲相從幾想蒼雲碧樹東夜月庾樓懷抱在  
春風陶徑夢魂通前峯路斷鋤犁少古渡征苛網罟空  
難語數年牢落恨千林如海夕陽紅

留江城

灌城眠食嘆羈身憑曉偏驚索鏡心南紀山川秋望遠

西湖風月夜懷深功名鬼妬投機罕詩酒天嗔絕侶尋  
陳跡自應遲料事斷鴻信杳况雲陰

贈封禺山翁

鷓鴣鳴雨鶴吟風可羨山中白髮翁百事不聞天地閉  
四憲常見水煙空春時聚社尋屠伯晴晝科書授學童  
此外惟知安分去鹿門真隱畧相同

淫祀

水泛牌頭五里亭尚留破廟壓空坵松蘿陰覆鴉羣怪



里社聲傳土偶靈  
幡裊歌竿三丈赤  
溪分荒藻數叢青  
頭陀強解愚夫卜  
瓶缶花香帶肉腥

寓江州西城

奔忙夢落富池程  
歸托遽廬戀濯城  
有石醉乘新月坐  
無家吟逐亂雲行  
衣遺母線寒針在  
燒起公山晚陣鳴  
鄰屋酒香堪洗恨  
擬栽松菊傲淵明

暑中訪平山坦上人

遙遙殊積入山心  
勇涉湖西且解襟  
當暑行松探古跡

追涼踏蘚入晴林  
信知淨境無三伏  
猶幸慳囊有幾金  
白酒青衣隨所遇  
此來祇爲此僧尋

思歸

秋老江城起戍塵  
山收西日掩雲津  
留連光景多無酒  
俛仰風埃獨有身  
曠野鴈填遺陣闊  
虛沙船發落痕新  
故園松菊猶三逕  
夢過煙霞水石鄰

晚過張分司園

偶乘意度過東鄰  
芳艷多情媚柳津  
歡笑直邀雲際月

酣歌狂惜雨餘春  
亭臺花木銷官酒  
城郭風煙老客身  
回首廬山圖畫裏  
不知愁落軟紅塵

題瀛溪書院

遠徑溪流自圓光  
風霽月渺無邊  
窻前生意休除草  
堂上清風獨愛蓮  
萬古共知歸有極  
一塵不染見先天  
未知涵味其中者  
誰是元翁得正傳

登庾樓

重支瘦竹上危樓  
涼襲綸巾羽扇秋  
天地江山風浪起

汀洲蘆葦水煙浮誰聽調夜琵琶苦擬泛吟秋舴艋遊  
喚得元規魂夢醒何妨小作踞床留

千年傳說庾公遊遠戍秋塵障兩眸往事未知誰可語  
今朝聊復此登樓淮山鳥去衝烟滅楚澤帆歸帶日收  
閒客望窮江北晚月明無賴幾沙洲

顧城

初聞春日水天迷此際湖沙擁岸肥炊甑有塵和米腐  
酒坊無壁紙旗飛猿棲曉樹青藤瘦雀啄冬畦白菜稀



寂寞旅懷禁得否  
斷腔漁笛釣船歸

新橋遇秋巖

出郭看山眼便醒  
故人相值說雲萍  
了翁屋後晚煙碧  
茂叔阡頭秋草青  
絕壑雨過溪水響  
高峯月上谷雲停  
烏巾漉酒菊花店  
醉揀陶詩書紙屏

富池客中

捨舟遵陸幾程來  
家事身謀兩未諧  
九地渺茫憐骨肉  
四方軒豁暢襟懷  
雨翻茶嶼春離岳  
風颭旗曉渡淮

短景不延愁思遠，只堪長醉向茅柴。

舟上食菜粥甚美

莫望池口浪，接天羈懷沉迷衾。枕前老船蕩雪檣聲澁，  
破釜煮粥蔬味便烟鎖。淮俗子城下風生野坊，僧樹巔  
懶能登岸躡寒屐，因數杖頭無百錢。

冷翠閣與秋巖同賦

笑携琴冊上崑崙，分坐溪頭蘚石根。崖樹有霜飛老葉，  
野泉無雨落秋痕。幾番閒借樵人屐，何許追尋隱者門。

多種杏花依此住要知董奉得仍孫

江州重午二首

晴光透砌看葵傾獨恨無文弔屈平梅溽潤衣身體倦  
竹風入牖夢魂清良辰美景須臾事往古來今節序情  
不信滄江傳競渡彩旗畫鼓鬧西城

蒲節殊鄉借楚誇遠城社鼓不停趨爭歌神曲羞溪藻  
遙送瘟船滾浪花世上莫非兒戲事江頭無奈客思家  
西湖今夜笙歌月涼擁紅蓮燦落霞

懷潘宰留方家峪別業

想戀西湖賞物華  
清依水石結生涯  
鳳凰山下泉縈草  
燕子樓前雨壓花  
翠枕謾歌聽夜雨  
朱簾閒捲望朝霞  
柳塘不過東流住  
腸斷江城尚寄家

題冷翠谷道者庵

萬計千謀濁世紛  
蓮花峯下寂無聞  
丹泉漱冷齒凝雪  
翠谷虛凌身入雲  
藤杖卓苔防險峻  
石壚炷柏起氤氳  
獨遊獨宿露寒夜  
絕頂想多秋幾分

離江城遇雪

頭上同雲密布饒湓江門外揖華鑪舟穿苦竹黃蘆去  
帽任回風急雪飄蹤跡幾年懷玉石江山一夜變瓊瑤  
旁人莫訝吟窮返慷慨殊勝過灞橋

接泥渡頭再遇雪

幾涉沙汀與水村幾看雲物幻乾坤渡頭衝雪哦詩老  
船尾乘風破酒昏未晚榜聲先傍岸乍晴江色遠侵門  
白鷗無數西飛急鳴落淮山不見痕

戲酬李勉之留江州懷琴窓之什

當時兩別惜分雙客了三吳客九江何處揮金曾駐馬  
此身懷寶尚迷邦水流歲月添新恨塵撲簫絃失舊腔  
柳下燕樓風雨外夢魂多遠唾茸窓

漫興二首

倚竹歌巾望遠天脫鞋自在取高眠無情歲月催雙鬢  
有樣文章委少年吟卷亂拋幽枕畔客床寒對短燈前  
沈迷謾想華胥樂還有癡兒鄙孝先



浮名浮利有傳訛  
意以囊疑馬伏波  
鏡裏鬢毛諳世故  
筆頭詩句答樵歌  
風穿樹禿寒林淺  
月展江空夜浪多  
脫病欲歸歸便得  
花家魚港自烟蓑

留分司衙

往來幾苦浪濤驚  
塵役而今亦懶營  
雪積牆腰連屋瑩  
日涵城影接江平  
市樓有酒晴旗小  
賓館無人夜榻清  
孤坐搜吟難造妙  
霜風吹月紙窗明

富池江上蕩舟遊望二首

江風吹得烏帽偏江水驚秋狂拍船此身客遠積鄉夢  
何日丹靈朝洞仙將軍廟無老鴉異羅漢院有古栢堅  
蕩槳津頭來往遍北望淮雲成愴然

上江落水渺莽中入軍遡水曲折通此鎮巧當兩汊路  
每日飽看千帆風客知鼓棹白日急人傷對鏡玄髮空  
荒寒殊甚只自笑悲聲遠井餘枯桐

客居余明遠來訪

風浪而今自忍聞尚甘客隱大江濱酒家債負將償足

詩境情懷任醉分  
愛睡有魔銷  
椀茗遣閑無事對  
爐熏  
梧桐井畔敲門處  
問字何人訪子雲

發黃池與朱一夔相別情思黯如

同行誰際此心同  
我去君留悵北風  
兩地相分雲袂遠  
前峯自掩雪林空  
幾多遣興懷樽俎  
千萬將書托燕鴻  
獨過顧城湖上晚  
已拚絕飲蟄孤蓬

別王監鎮

僑寄荒津厭鼓鼙  
逆行遣日守羈栖  
天兵未卜何時解

心事難侔此日齊雨醉田家無屐借春眠野寺有詩題  
蒲帆行趁東流去應目狂蹤類阮嵇

醉後登黃池港舟

大江勝絕此無儔不省荒寒醉酒樓秉燭尚嫌盃數窄  
換舟便覺櫓聲柔山連青意爲仙塚池接黃名是逆流  
僵卧莫知身紀墮岸南燈火屬宣州

舟次示朱友龍

雪花侵鬢轉栖栖身寄篷窻醉似泥荻港水寒鷗聚遠

蕪湖山近鴈飛低客舟泊夜秋無奈社鼓催春夢欲迷  
津岸喜登無可語不堪明日各東西

初欲登小孤惠濟廟水盛風駛回首已遠矣

蘆荻蕭蕭掩敗汀拋南拋北慣曾經淮山有雪侵雲白  
江水無風接樹青吟卷紀遊揮小草醉篷埋恨載浮萍  
廟門轉眼隨帆過不得重登絕頂亭

得京友信問曾觀三疊水否因寄

破索蕭然不自休蘆黃葦白九江秋抗塵狂作兩年客

看水慳為三疊遊得酒問魚愁入市有書無鴈却登樓  
征裘幾搵思家淚兩眼凝窮桑落洲

冬寒客懷

爭錐無意志摧藏歲晚栖然滯客房井臼自親猶火食  
琴書誰力謾時裝前峯雪洗心方快破解風穿骨欲僵  
燒荻禦寒身尚曲有人駮瘃守邊疆

九日留彭澤

牢繫扁舟在樹根依然風物晉時村幾年思采東籬菊



此際狂傾北海樽  
野鶴離羣翔碧落  
江鴻排字入黃昏  
有人若學淵明隱  
五柳蕭疎靜掩門

五言絕句

江上晚眺

江北西風高  
江南新酒熟  
長笛吹梅花  
月色滿營屋  
得酒終日醉  
都忘醒後愁  
往來狂走馬  
直過皖山頭

遊冷翠谷

急流激亂石  
石色白齒齒  
瞥見水色渾  
籬頭過山麋

寄江城口占

夢魂蕩孤舟波聲塞兩耳不眠聞管絃方悟江城裏  
蹉跎歲事空次第春風起雪消夕陽平徹底清江水

乍歸信筆寫興二首

閒拋南峯雲狂汎西江葦眠食思故栖吹燈任山鬼  
身絕一毫榮膽落幾回醉難忘踏霜茅忍凍吟冷翠

間笛

四海水尚淺孤城愁更深船上何人笛吹入蘆花林

吹腔不識愁愁耳偏聞吹月明吹更苦淚灑降羌兒

初八日立士戌春

臘盡春猶客春來病轉多孤樽洗塊礪萬事付無何

冷翠谷口占

亂山蔽天盡叢澗遶山流茅屋冷欲壓今日方中秋  
谷深誰吟詩吟惹白猿聽萬景虛空生風微澗光定  
我來尋幽竒破屋枕木末向陽窻不闕川僧補直裰  
蒼童負詩篋百錢掛杖頭何當倩畫手畫我廬山遊

七言絕句

下彭澤

江氣瀾漫接楚浮  
潘郎雙鬢不禁秋  
欲澆靖節荒祠酒  
附得沙頭賈客舟

分司卒至富池

疲兵喜離九江城  
且報新篁長數莖  
未問主人先問竹  
要分吟屋聽秋聲

江岸春日

見易園中春艷時  
千朵萬朵好花枝  
樓臺祇有提壺叫  
晴雨能無蛺蝶知

夜宴贈箏妓

方響琵琶借當家  
十三絃上雁行斜  
雨筵合出殘春曲  
愁掃屏風滿地花

乍熱

樹禽苦叫不如歸  
午睡醒時已落暉  
新暑漸回身尚客  
此無黃葛可裁衣

贈蓮花洞僧二首

山枯葉落晴紛紛  
蓮花洞前流水分  
流水自送夕陽去  
洞上白猿啼白雲

老僧眉毛霜爭妍  
重補袈裟防雪天  
閒看青山忙看水  
庵門不掩今幾年

寒食日偶出

漪嵐堂下野芳晴  
楊柳枝頭歌雨聲  
笑逐遊人城外去  
沙洲沽酒做清明



宿九江驛

孤燈花燼糝空臺  
古驛涼扉傍月開  
數事支持愁外去  
十年憔悴夢中來

聞笛

淒淒吹笛裂寒雲  
羈客難禁醒坐聞  
聲逐逝波流不斷  
月明吹老戍回軍

元宵懷鄉二首

萬宇燈輝斂暗塵  
幾年醉賞禁街春  
良宵獨宿雙泉寺

負了吟風嘯月身

難覓圍香醉玉仙  
短燈油凍梗孤眠  
清河坊裏燈宵月  
負却東風已兩年

贈葛秋巖

雲翁獨栖冷翠谷  
三月不出令人疑  
圓通老僧遠相報  
病中忍凍更忍饑

宿清虛庵二首

撥雲峯下撥雲亭  
萬竹凝秋列畫屏  
皇甫真人遺業在

滿林寒葉佛燈青

來此看雲骨欲仙竹窻秋霧  
翁爐烟西風正滿溪頭樹  
直送寒聲到枕前

舟上望九華山

雪殘半積陽山磯大江雲湧  
濤頭飛九峯不受夕暉掩  
杜牧一亭空翠微

夜坐東林寺

晚雲斂盡鶴聲遲萬木號空  
夜景移三笑亭前山月上

却如身在冷泉時

過梅根港

雨壓雲低雪氣渾  
風帆未午過梅根  
港頭驚見官舟泊  
野老爭先掩荻門

病起懷歸

絕飲還知百脉清  
病夫明日值陽生  
治裝肯發遲疑口  
要趁江寒水色平

九月十五日有感

潯陽江上看明月月落孤眠百感生  
十二年前如昨日  
竹齋曾醉鳳簫聲

廬山道中

偶呼鄰稚携竹杖試入仙窟尋桃源  
日斜小憩冷翠谷  
驚散掛樹黃黑猿

春步岳園二首

暖風晴日艷芳天  
獨客心情不忍言  
何處有花春掠眼  
金陀坊裏岳家園

將軍墓域在杭州如此家園入夢遊誰惜再傳無嗣續  
至今匙鑰屬官收

王倅寄弟富池酒邊述興

竹亭難障隔淮塵補種疎花幾樹春若憶六龍南渡日  
到今我亦是流民

晚泊烽火磯

野陰遠閣雪風乾向暮維舟水色寒火號熒熒今夜燭  
因知江北報平安



春去喜無怨鳥二首

春盡江頭望幾回  
支持愁態入銜杯  
要歸便問西門渡  
行止何關杜宇催

失笑羈人沉聽禽  
年年春老益愁心  
江城樹少無棲處  
墮落千巖萬壑深

厲屏山祠

漪嵐堂北縣樓東  
香火新標舊令功  
此地豈知鐘鼓樂  
月明如水藕池空

過彭蠡口

雲凝入港大孤山蘆葦翻風秋夕寒水急亂從彭蠡出  
來舟不似去舟難

再逢黃山磯上老叟

過此未幾還問歸歸時又眺黃山磯不如磯上釣魚父  
雪霽扶藜行夕暉

野望

過午浮陰掩石臺疾風掠草散狂埃江豚吹皺空江浪

遠見淮雲捲雨來

天池晚眺二首

古塔寒擎夕照紅  
泉聲湧海入虛空  
分明九十九峯翠  
都在天池窻眼中

天燈逢夜涉江危  
直遠文殊閣上飛  
暗裏試將衫袖裹  
祇餘樹葉幾星歸

自廬山歸城賦四首

絕壑松風瀉瀑聲  
此身如寄畫圖清  
餘生結得東林社

三笑亭前看月明

纔去還回似不情  
蕭然兩耳亂泉聲  
衣中染得江嵐透  
誰道山人骨亦清

入城回睇萬松橫  
祇隔浮雲幾萬層  
八月秋風明月下  
天池池上看天燈

重葺芒鞋約更堅  
山家意味况相便  
須先折簡同遊客  
剡蘚題名就石鐫

英溪集

四庫全書珍本初集

集別集類部

商務印書館受教育  
部中央圖書館籌備  
處委託景印故宮博  
物院所藏文淵閣本

欽定四庫全書

英溪集

宋

董嗣杲撰

五言古詩

釣天曲

圓丘崇且高廣漢清且淺元祀播鼓鐘嚴禘列瑚璉天  
酒瀉琪花遵此奉常典恩流昭感通報稱示豐腆鶴鳴  
集霞臺鳳曳翔雲輦已際天人和八表清塵卷

擬古



海上采珠人惟視夜光吐携持以為珍美價重合浦異  
哉足照乘殷勤獻明主遠物奈不寶棄之猶糞土  
河漢金氣老海月光陸離蟋蟀鳴我床聲聲有餘悲美  
人天之涯言旋杳無期西風吹脫葉撫時傷所思

武康邑俗

邑俗尚巫誕竭力營鼎俎無方絕此幻舉口輒齟齬衰  
世無真儒反欲構室處顧我暫爾棲信得子不語

官解俯官溪溪流極清泚魚遊值天陰競指龍光起古

祠偶相鄰愚徒望風靡我欲照衰顏且展闌干倚

由京買航還武康夜泊中途因醉曉還邑中撫

實有賦

上船且偃卧月出攬衣起周覽郊原曠肆毒暑未已河  
漢水色淨身寄圖畫裏幽情苦跋涉未克安所止憶蕩  
西湖舟白蓮弄清泚歌聲透夜響鉅麗瀛蓬比景絕四  
無人風搖六橋水今如夢中覺乍離官河背板橋餘店  
燈酒旗三尺紙狂來發興深野航暫時艤崖涼勝埋篷

欽定四庫全書  
獨信橋闌倚倏然想歸程使遲二十里醉眼忘離津風  
順差可喜入邑日已高不掩壘之恥因感孤生浮若此  
能幾耳

甲戌八月初九夜武康山中洪水驟發越十日  
漕司檄往檢澇

甲戌纏國哀時屬秋八月近輔餘英山洪水中夜發狼  
藉徹旬雨拔地殊飄忽滔天肆奔迸變幻起蒿萃徒步  
登縣樓浩渺沉林樾妖氛混澤氣勢極火燄突綿亘山

下鄉逃難想顛蹶晨興雨更澍邑屋已隍杙高跳空刺  
腸何異覩溟渤飄屍不可計強者布竹筏棲危或得命  
其奈服食闕號天天不聞不若就滅沒瀑派裂青山溪  
岸奔屍骨杵臼埋虛沙蛇虺出深窟邊方乘孔殷糜爛  
事征伐民生不奠枕復罹此酷罰隱憂非一端國脉存  
如髮檢滂亦具文民力各已竭豈知坐困窮終歲常斲  
斲奉行亦漫爾持論敢躡越步步涉坑塹路梗勞輿卒  
歸愁強就床魂夢隨恍惚

甲戌武康大水淨林寺山門殿屋悉皆倒敝

仲秋秋陰合壁落走鼯鼠徹宵風雨驟平地生洲渚莫  
辨路與溪廬舍失處所淨林古梵屋木佛豈得禦當門  
金剛惡茲復化何許方丈九旬僧足廢不能舉徘徊想  
舊歷突突起沙嶼遺闕茁芝茵卧竹壓麻苧山民窮無  
告謀食屢多阻三鄉凡幾戶竟墮魚鼈侶傷痛孛生迂  
捲盡牌頭墅獨慨虛浮身昏迷怯幽佇上流未偃戈戰  
血汨荆楚近畿天示儆歲月不我與就食難下咽酸恨

徹心膺

古意

山中有流泉洗耳今無人樹陰互蒙密鳥語交昏晨誰  
能觀大運達此秋與春生意自爾蕃葉葉分光新藤蔓  
附女蘿蘭茝披荒榛興言混棲托隨跡安可伸悲哉倦  
遊子感寓徒酸辛榮枯了不計老大將迫身潜然眼中  
淚墮此衣上塵所眈軒裳故殊失煙霞親

趙南康可齋築屋武康孟保園池喬木極有思

致東野故廬藉以表出感古傷今成重遊三十

韻

東野英溪英妙寄寒苦詩里社今有井誰構亭覆之想  
彼異代賢孤標奪歲稔可齋出帝胄結廬探幽竒分符  
廬山陽歸葺園與池高懷敦薄俗萬象共眇窺惟憐時  
不與舟壑忽夜移身世付水檣逸駕淪西馳我此偶竊  
稍荏苒垂三暮兩獲憩絕境真與浮世遺牽裾古木底  
洗屐官溪湄想像貞曜公淪落長安時壯心侔元造瀝



思抽肝脾衰謝入硬語難以好爵縻此鄉所自出指點  
餘芳茂相去五百年隨勝營詩詞清揚藉發揮昧者迷  
藩籬孟公能歸歟趙侯今已而罷酒聞清彈眼在空涕  
洩孰能經始初欲綿無窮期再傳至斯荒曠望逝水悲  
丘壑漫獨存豈不重爾思拘情夫寢處觸事逢乖離無  
端菊帽破不管西風吹俛仰興替間惟餘鷗鷺知心遙  
歲年邁行將謝塵羈我窮吟更窮逐逐亦已疲有愧快  
士志名盛位任卑制愁遊學宮弗讀國朴碑四顧雲樹

蒼雅道誰扶持

酒邊憶去年苦病

發誓遊四方言歸多自責  
秋高風浪險懷家萬山隔  
江北與江西夢寐困行役  
去年病癱褓客死亦何惜  
心空病自退藥裹漫山積  
今日秋又深誰念饑凍逼  
祇幸健於酒酒盡從墮幘  
醒來聽談空鳥啼晚峯碧

聞趙芳洲已歸武康梅解

歸來慰我思山疇  
稻田熟雨驟不終朝  
水退出平陸梅

廬暮色黯欲入足尚縮月地舉深杯杯光泛纖菊燈明  
不藉輝來去絕慙恧所恨懷寶迷失計資薄祿鄙人更  
曠縱肯作阮途哭有時得親書多是不再讀

坐暑病初招汪學老醫次招黃平齋兩公杓鑿  
之甚病者反取多事而黃終奏藥績因有中秋  
共醉之約漫述長句

卧病不知暑况在英溪隅入京涉夜航藥物艱所需汪  
公業於醫其實真癯儒醫故不違理非但以理拘覽鏡

面百皺半月怯步趨積憂那得解肌瘠徒長吁茲晨近  
秋中疲憊憑杖扶忽枉黃公駕慰此困極駒指我偃僂  
形旦暮耽書劬病源肇於心證與芝朮殊所嗟露電如  
滿歲罹艱虞寒暑復見寇閭浮可久圖行止任天造其  
或謂以迂涼軒聆欬唾眷眷非世娛浮榮信飄風况復  
假合軀墮落焦熬坑難煉六一壚感公致湯饋瀹盞浮  
雪腴仙傳起死劑頓醒爪髮枯西風捲茅屋篝燈竹牕  
孤蔬腸轉陽脉趣向歸酒壺誰傳病退舍可奈流俗徒

汪黃信可人彼此皆扮榆往締中秋盟未卜月有無因  
拈二公姓激我懷東都

裴伯弼周先生手澤

桐溪恩上人留遺盈束紙初疑龍蛇奮不敢傲睨視嗚  
呼汶陽翁父子傳心旨手澤落世間枯盡幾硯水言言  
闕世運字字窮物理悲風颯雙鬢涕淚揮不止思超漢  
魏高人可晉唐似逸態出天然凜若對英峙此時吟嘯  
者跌蕩何可比卷舒手不停光芒射程几下取防六丁

急寘空谷裏

宿嘉興新城市

汎秋入未鄉  
鈍舟無期程  
西風吹官河  
其壤惟新城  
雲圍畎畝遍  
星零聚落盈  
前畝出頑犢  
有可敵無勅  
梵坊名能仁  
所向乖幽情  
房房市藥富  
滌面塵不嬰  
習俗困促迫  
意度無專征  
市沽更漓甚  
不堪客子傾  
偕行得佳士  
共此秋榻清  
未晚急掩扉  
屢貽暴客驚

潔牲謝響應  
龍廟予不及往



龍宮蘊特異精禱通萬靈昭著二百年錫封專朝廷去  
年偕宰公投誠涕欲零驅車入松扉雨勢如建瓴仰高  
迓靈盼雲斂不暫停煙沉瀑聲涼分坐瀑外亭從茲感  
佑助爭謂胷百銘治任亦已速潔謝資芳馨緘素展真  
忱要終寄冥冥願恢溥濟功致此百里寧夜披東堂集  
孤燈炯深青朗誦神之聰壁落山鬼聽

越城步月不知子城已閉因托宿趙義齋宅

晚步初月高忘却子城閉客樓枕新荷幾夜香襲袂羸



骸奔走倦不擬尚凝滯白面佳少年塞途莫勝計低顏  
謝許可不甘暗拭涕窮迫傍人籬傍籬畏奴隸風采就  
衰憊心孔轉昏翳見舟思江湖懷隱睨松桂故人立霄  
漢敢詫平生契茲時進退難假宿義齋第官橋醉尉多  
大懼獲重戾徘徊益羈愁愈痛之邊際讒毀那能免失  
擁文侯箕身如被酒酣心類垂旒綴嗟嗟文不績有學  
謾經濟逆行且倒施猶幸舌未敝月西黯蓬萊城烏聲  
更厲借榻逢可人度夜等匏繫履險復自笑汨沒信此

世願逢陽明仙餐霞度千歲

病中步入蔡公橋村落間

水淺篙師勞况值夏日矣舟維蔡橋晚扶行禦頑疔誰  
期村疇中雙屐苔花粘同行幸同志出語無猜嫌曉霞  
晚必雨故老嘗所占兩行桑麻香農計得盡覘偶聞讀  
書聲白叟依茅簷自奮力稼耕其志方隱潛延我坐俄  
頃障日西垂簾竹床半已弊暫睡亦安恬傳酒強我飲  
飲絕徒掀髯神思偶爾清吟興為此添

自武康入京隨即渡越

意杳軒中坐坐見新竹長病夫欲尋睡不禁竹氣涼昏  
昏度白日神倦慵舉觴偶然探吟處誰謂醒為狂扶行  
壺中天草樹含夕光雨橋荷柄鬧亭亭雲錦張中有窈  
窕質忽透洛妃粧引領不忍去水風遞幽香簷梢鵲唳  
唳戒我租夜航我生尚未了何地安韜藏宵程促登津  
食息何皇皇郭南待朝渡西陵晚蒼茫

七言古詩

烏棲曲

綠陰涼透城頭樹月明正照烏棲處  
黃昏角起吹晴雲烏欲啼愁愁夜分  
夜分湖波幻絕境境絕月漾玻璃冷  
棲烏忽過別枝棲何人採蓮移舴艋

賦得河中之水曲

清莫清兮河中水白莫白兮頭上絲  
河清頭白自千古有身清白知為誰  
提籃采桑西城婦容髮蓬勃霜色欺  
傳是長安估客女二八嫁與東鄰兒  
東鄰兒郎負臬獍

別家出戍征羌夷沙場杳邈絕信息磨門無子難撐支  
花榮草枯知幾度日升月落常雙馳力勤織絰活旦暮  
堂前姑老心驚疑攢心萬苦失頭緒年如逝水何能追  
不恨兒郎祇恨妾有生無分安齊眉西鄰女兒年將笄  
雙髻壓頸簪花枝金鈿貼額腮凝脂笑妾採葉愁蠶饑  
妾身薄命何暇恤所嗟母子各天涯空閨誓此守清白  
不願封侯願早歸

武康防風王廟前入西鄉山中曠遊歸看邑志

偶成

茗溪直西山嶙峋莫干矗空參北辰荒村去縣未甚遠  
日落將盡埋紅輪羈人憇此醉徒御僻壤曾際神禹巡  
敝祠古木質擁腫色泥癡塑防風身遙遙石徑險如棧  
芒屨掣足移換頻狂貪遊歷不顧倦肯因巖嶮嗟迷津  
錦卷要演江海思拍塞景物描天真偶繙邑志寧訛舛  
下筆希古今無人

武康附夜航入京

金定四庫全書  
今晚後溪風色順暑威未肯回涼信獨泛官河雨氣收  
野林鴉落歸無陣聽鐘搖出港汶重新塘光現橫空龍  
松頭暝破月色吐油雲散盡迴千峯

秋夜宴客歌

賓從齊聲歌提壺有酒在樽殺在廚秋高廣寒桂子落  
時零金粟成泥塗秋空月露炯冰玉情深莫出南山屋  
自駐南山持酒卮愁人驚糝陶家菊花枝易空人易老  
人生安得無醜好只須傲兀醉乾坤人老花空如電掃



羽觴飛上苑

日色蕩曉香塵起上苑春融錦屏裏蕙枝小葉攢石臺  
桃英亂糝浮池水鱗波皺雲展翠綃羽幘逐風颯珠履  
騶飛步裏蹀躞高杯行聲度提壺美提壺朝暮啼芳陰  
啼盡東君脉脉心螭毬流影晚陽淺獸匝噴香淑景深  
靈鼉鼓曲肯停調綠蟻漾艷爭歡斟醉情得向芳辰暢  
香車回碾銀蟾沈

五言律詩

和樓恪齋自述

碧樹前林合黃雲百里迷月高溪水定風逆漏籤低列  
宿來花色涼秋入菊畦比閭回善譽招得頌聲齊

題蔡主簿小園

聒耳禽聲細澄顏池影浮襟懷猶微塞松竹自林丘剪  
韭疏畦闊分蘭貼石幽吟箋滿芸架閑樂野僧留

官舍病中

古劍秋埋匣昏鐘冷壓樓吟情臨晚銳歸計待春謀雞

遠村墟捕魚空藪澤收斂將筋骨悴所恃有新筭

客滯

粹容成槁木浮跡類流萍天地春明淨江山晚晦冥花  
芒環野茜柳桁接簷青淹滯知何事思歸夢短亭

題城山道人庵

官俸胥方給山穀市可需雨多沙磧失橋斷路程迂古  
樹聲何壯秋萍跡已枯病身慙到此有愧竹筇扶

山暉丹氣紫路隱翠林香野道依城社山童執紀綱田

高秋斂薄溪曲夜湍長  
諄語令人倦虬螭肯自量

過證道寺

證道山門曠延僧草座  
禪不知為額始曾記有歌傳驛  
路橋梁壞沙溪石蘚填  
往來荒僻近時可托清眠

武康姓丁人號生魂神合邑騷動

世降多淫祀時荒扇盜區  
妖丁肆荒誕結甲走昏愚  
揭幟營祠廟推鑼調市衢  
大夫清似水勦絕莫踟躕

雨窻夜感

風窻停暑雨竹簟展寒波酒醒乾坤小林昏鳥雀多涼  
堂喧管鑰秋戍淬弓戈殊感征行苦悲蛩咽楚莎

清穆鄉農戶

山峭回峯緊場空得雨忙赤楓溪背立白草渡頭荒寒  
市虛聲隘秋疇喜氣揚野春連屋響瑞入雪匙香

題園堂壁

解扉臨水掩世路入山窮暑謝晚尤熾秋高涼未通蓮  
香霞沼廢竹色月樓空天地機難測山林志少同

題意香壁

朱戶編簾掩花顛覽鏡羞酒多無客過茶盡有僧留世  
慮經心久花時撚指休悅生憐濁骨愧死混清流

題方用卿書屋壁

野雲埋墅晚城樹掩江春門巷人烟古雲山屋宅新悲  
歌陶此世塵土污吾身無地堪挑薺殊乖晚膳真

泊鴈汭寄主簿

窮通歸造化蹤跡易參商自畫新居樣誰傳舊橐香寒

沙埋虎坂晚燒起龍岡相望風塵潤愁懷不可量

夜坐

西原陰接樹東浦暝沉籬月落溪沙走星飛岸柳移鮮  
螢縈淺草幽鳥擇深枝背水中宵坐愁多病莫支

坐病不赴姚總統席夜聞樂聲因寄

精神疲夜漏絃管沸秋筵想醉黃花下誰歌翠幙前病  
身空羨酒愁耳愛聽泉月轉羈窓破蕭蕭照客眠

甲戌九日和樓宰烏回寺登高



金定四庫全書  
烏回何代寺鳩喚此山晴心契將軍約肩摩小隊行明  
年人更健今夜月初明更過譙樓飲偏垂野客情

滿替在眼即景賦二首

野分霜信薄溪落雨痕乾僻邑催冬早遙林積暝寒雞  
棲隱壞壁鶴老戀空闌燭下哀箏發樓頭送漏殘

菊向籬陰老松連石影交山黎寒脫樹溪鳥晚投巢欲  
把肩輿却先將手版拋是時柴戶月任客帶吟敲

七言律詩

乾會聖節賜宴

瑞靄薰風遍赤墀  
共歌隨佛下生時  
報班立筍蒿呼遠  
接宴簪花拜舞遲  
聯坐不矜朝士貴  
綴員深愧醴曹卑  
山中雨露恩榮溥  
賦得三宮萬壽詩

暑中宴張穆父第

席地莫禁流汗體  
陰陰竹樹埋虛堂  
夜分幾傳逡巡酒  
暑甚一沃沆瀣漿  
不聽哀絃知興逸  
纔舒清簟覺心涼  
青瓜碧李凝冰齒  
萬萼南花吹濕香

劉閻舍遷居山中

玉粒榮途稅駕難  
遯棲山屋樂顏箠  
寫梅當畫同誰賞  
採菊成糧獨自餐  
五字詩成消興晚  
半甬酒熟抵秋寒  
太空月色清如洗  
多向疎林缺處看

壺中日月與葛秋巖納涼

身離匡廬紫翠重  
壺中且寄水雲蹤  
故人遠夢迷千里  
濁酒高懷渺萬鍾  
臺上苦吟無別事  
枕前聞籟有孤松  
不知憂樂隨時意  
但慮荒蕪鈍筆鋒

陳石泉送詩走筆次韻

依劉殊乏仲宣才方重相逢笑口開  
惡况敗人佳思盡寓公貽我好詩來  
夜寒歸夢迷松菊  
灰冷塵蹤混草萊  
別後莫裁馳戀意  
寄梅須帶雪枝苔

題大賽山中人家

課孫課子業桑麻最喜無人識  
故家八口日支資地力  
一頭雪色感年華  
甜瓜苦過王戎李  
古木枯如博望槎  
豈得不諳培植性  
又思尋客學餐霞

金定四庫全書  
玉繡毬花

芳妍獨殿綠陰闌  
幾簇流瓊擁髻鬟  
攢粉倚風搖舞地  
妬晴拋日透飛闌  
蝶魂春聚蒼枝頂  
雪片寒團翠幄間  
花壓露梢如許重  
有瓶難挿懶能攀

潔身自擁翠枝寒  
遺得春魂寄素顏  
夜月曳光凝絕徑  
晚風拋影入空闌  
幾團白雪能嬌膩  
五色流蘇只等閑  
宛似戀香蝴蝶亂  
綠陰深處不飛還

送陸明府歸嘉禾

塵雜莫前游官非端憂何暇寓琴徽孝先便腹尚嘲懶  
元亮折腰須問歸所懼棄官鄉曲笑不思獻策廟堂稀  
義和市尾漁舟聚獨樂披裘坐釣磯

水退小園散步時垂替感賦

移來菊本已成叢潦退園籬失笑空夢蝶自應知境幻  
問牛誰謂可年豐渺茫天地浮秋水寂歷溪山截暮虹  
蛩咽莫禁莎砌濕萬愁愁付酒杯中

近苦多故坐病乏藥

江郊雪冱莫知津客淚雙垂悵此身魔障在前無妄想  
饑寒隨處肯言貧畏途日有風波恐病骨時需藥石頻  
屏息支吾心已擾眼前謀絕故鄉親

甲戌重午留越寄武康同官

湘纍莫弔楚雲迷力疾喑喑客會稽心想同寅分席醉  
身逢重午借樓棲今朝氣象悲歡異幾種葵榴色澤齊  
水際晚涼應有賦藕花多處想供題

縣齋東堂盆荷著花樓恪齋約客賞之時葛秋



巖作草聖和席間韻二首

酸辛莫甚此時心  
忍過琴廳散客襟  
萬竹靜涵空翠杳  
孤蓮愁吐妬紅深  
岫雲有信投林晚  
溪霧無根漲郭陰  
誰草數行鴉蚓墨  
東堂古壁遇知音

簾底陪清傍兩年  
愁城築得許能堅  
詩章罷詠猶評畫  
管樂沈聲却得蟬  
花縣無心聽夜漏  
英溪有日罷歸船  
敲窓更苦西風急  
又攬閒情伴葛仙

越城客中

暑滋衣袖苦逢迎  
濡滯連旬夢亦驚  
奔走泥塗誰送死  
浮沉光景自憐生  
鴉穿晚照棲公館  
龍挾晴雲入子城  
亂試法歌攢碧落  
無端新月客窓明

武康邑中劉王廟

水圍聚落藹藤纏  
靈紀金刀祀典專  
碑語誰非年月誤  
神功自托道途傳  
三鄉捐廩祈多福  
百里齋香卜有年  
爭怪野雲頭上起  
村村先欲雨公田

抵北新橋

指出飛梁是北新，羈懷冰釋返吾真。  
歸逢鄉井心纔穩，羞對湖山迹已陳。  
徹鑰要芟三徑草，懷人空睨一汀蘋。  
滿頭殘髮凝霜膩，達旦梳雲却愛頻。

題意香壁

養生肯羨葛洪砂，醒困還評陸羽茶。  
溪上攬雲歸酒屋，雨中看瀑憶樵家。  
時時禽鳥鳴心曲，歲歲風霜趙鬢華。  
窻戶生香還有意，夕陽紅皺石榴花。

思隱二首

金定四庫全書  
爰業愁城不可攻三年心事入秋空  
虛名已出諸公右  
往事都歸一笑中  
植杖耘田思北墅  
補爐煮藥老西風  
臨歸自照涼池影  
不與初來面目同

夢落家村野屋磯  
欲治生事與心違  
偃禾雨久溪聲改  
采菊人歸鬢色非  
灌圃肯差陳仲子  
登山莫遜謝元暉  
從今舉步防輕蹈  
更演潛書急掩扉

五言絕句

夜坐

秋清道院空更籌受風掩二更看斜河濕却萬星點

陌上二首

水花粘稚蛙野菜戀殘蝶麥歧苦薄收青黃兩不接  
恨鷓啼桑顛醜婦淚如洗手中捻銀絲階頭博紅米

估客謠二首

浪兒重規利半世家如寄千金得美人長向船窓醉  
溺利誰知輕性流甚於水東去復西回難將逝水比

七言絕句

逢曹子敬知錄三首

相逢愁醉雪溪西  
却陳思七步詩  
二十年前親擢第  
孤忠曾際穆陵知

州縣間關老調官  
青衫敝盡只儒酸  
玉堂學士思求代  
珍重春風在筆端

屏氣安時彼此同  
此時虹燄已銷空  
東君造化攬春早  
看取花開自在紅

陳石泉送芍藥花

花分近侍了春殘分付荼蘼糝雪寒天色轉陰陰轉雨  
愁人可凭柳邊闌

寄廬山道士二首

纔懷故里餘清夢方說廬山得好詩何日與師傳菊酒  
劇談浩劫未分時

常常有約尋幽趣汨汨無從避俗喧欲斷世間千萬事  
須窮紙上五千言

秋夜



秋堂初霽短檠涼堂外風簾減舊香螢火正流孤渚敲  
閒來坐覺二更長



秋堂初霽短檠涼堂外風簾減舊香螢火正流孤渚敲  
閒來坐覺二更長

騰錄監生臣嵇承羣